



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Adversvs Omnia Catabaptistarvm Prava Dogmata
Heinrychi Bullingeri lib. IIII**

Bullinger, Heinrich

Tigvri, 1535

VD16 B 9759

Exhortatio ad catabaptistas, ad pauperes, diuites, & potentes, ut maiori
fide synceriusq[ue] in redditibus agant

urn:nbn:de:hbz:466:1-35433

TRACTATVS

suo quotannis det, manet nihilominus agri sui dominus & haeres, quum creditor agrum sibi uendicare non posset, donec debitor redditus quotannis persoluit. Expensa deinde sic sunt omnia, antequam mutuo accipias pecuniam, & redditus indicantur, ut nec tu graueris (modo gnauiter & strenue rem familiarem curaris) nec damnum accipiat creditor, nam minor non erit pecuniarum summa quam ut ex usu tuo siet. Quoniam igitur pauperi praedia & possessiones manent, etiam si uel coeli inclemencia uel aliud incommodum acciderit quibus miser semel uel iterum periclitetur & affligatur, potest altero anno fertiliore & uberiore prouentu facile emergere, quod itidem in stipulationibus & terminis præstitutis fieri haudquaquam potest. Nam mox ut annus fallet, et fortuna faeuierit, proprietati omni deiicitur, & omni spe destituetur miser. Qui ergo in hoc laborant, ut redditus accipere & dare prohibeantur, opulentos opulentiores faciunt, & se tempore possessionibus spoliant, ac in perpetuam & grauem seruitutem coniiciunt.

EXHORTATIO AD CATA

baptistas, ad pauperes, diuites, & potentes,
ut maiori fide synceriusq; in
reditibus agant.

Ridite

Redita ergo ad cor ò Cata baptistæ, et tractationem ac negotium redditum diligentius et accuratius expendite, ne dum pauperibus opem ferre, dumq; illis onus leuare (hoc enim prætexisti, utinam uerè) uultis, dupli eis onere grauetis. Ne scindatis ecclesiam, ne reijsciatis à Christo, quos dominus ipse non reijscit. Expendite apud uos an Christianum hoc sit pectus, quod mox à commodo tempore profectum Euangelijs orditur. Expendite quām sit æquum hoc ipsum quod uos spargitis, Christianum non posse recipere redditus. Vos uero Christiani omnino esse uultis et dici, et interim tota sorte pro arbitrio uestro uti. Nam si hoc non uultis, quid ergo de bonorum communione, deq; mutuo sine spe redditus dando somniatis? Nam iuxta sententiam uestram aut supputationem, Christianus mutuo dare cogitur sic, ut inde omnino nihil uel speret. Quæro ergo ex uobis, ubi manebit sors? an non in manibus eorum quibus data erat mutuo? Miror ergo quo titulo (Christiano scilicet) uos omnes facultates aliorum et sortem totam possideatis, quum interim doceatis Christianum non esse, qui reditus, aut paruā quandam partem accipiat.

Consyderate mihi, ò Christiani ciues, impostores istos, an non sint similes Philoxeno et Gnatoni Siculo qui non homines sed sordes potius sunt dicendi? Hi e= Herm. Basim quum essent audiissimi heluones, infidissimi con-

TRACTATVS

uiuæ, fercula omnia in conuiujs tum oris saliuatum
narium excrementis & sordibus fœdabant, ne scili-
cet alij discubentes hinc gustarent, ipsi totum deuo-

In Timo- rarent. Dicite o Catabaptistæ, Thrasiclem philosophū
ne Lucia- nouistis apud Lucianum? Nimirum nouistis, ita enim
ni. illius mores & uitam refertis, ut nemo dubitare pos-
sit uos discipulos eius esse. Evidem non nihil apud il-
lum profecisti, habitu frugales, incessu moderati, am-
etu modesti, promissis barbis, suductis supercilijs ma-
gnum quiddam demurmurantes, ac si de cœlo, ne di-
cam & π' ὄντες delapsi essetis. Multa uobis de uirtute
dissertatio, damnatis eos qui uoluptatibus capiuntur,
frugalitatem laudatis, at turpia sunt & nefanda que
uos clam designatis libidine, mendacio, confidentia,
et auaritia. Timoe ergo uobis opus erit, apud quē fru-
stra hypocrism uestrā adornabitis, nec impune etiā
feretis: largitione enim sua peram uestrā explebit,
quæ non capit nisi duos modios, sed ueteris mensuræ.
Cessate igitur ab istis artibus, satis subolet quid tente-
tis. Nam si milies diceretis: Christianus debet persolue-
re redditus, Christianus uero non debet recipere: idem
erit ac si diceretis: Reditus non sunt reddendi. Nam
si Christianus nullos redditus accipit, nimirum ab ethni-
co nomine (quod uos quibuslibet qui sectæ uestræ non
adhærent, impingitis) abhorrens, statim persoluta es-
runt debita, nec nummis ad hanc solutionem opus es-
tit, sed

rit, sed hoc uerbo omnibus satis fiet, Mutuum dato nihil inde sperans. Arbitror autem, si uos non plus spei ex his capere iis, quam creditores habere docetis, non futuram esse de his cōtrouersiam. Inuidetis ergo alijs, quod uos magnopere concupiscitis. Vnde fit, ut nihil quam inobedientiam, rapinam, concupiscentiam alie ni boni & tumultum doctrina uestra inter homines plantetis. Aut ergo ab hac peruersa mente, & corrupta doctrina desistite, aut pœnam sceleribus uestris dignam expectate.

Vos iam ex uulgo pauperes quotidie clamatis ut opem ferant diuites, ut rebus adflictis succurrant, ut consulant inopiae uestræ, ut mutuo dent &c. Dignum certè ut hoc fiat, sed uidete ne uobis ipsi desitis. Non in hoc duntaxat culpa est, quod nemo manum præbet, sed quod uos uobis deestis, & uobis consulere non uultis. Non curatis rem familiarem, sed nihil aliud cogitatis quam quomodo ab alijs semper accipiatis, nec semel in mentem uenit an hoc uobis sit profuturum, aut quomodo & quando cum gratitudine sitis redditi. Non metiris, o pauper, quantum ex labore, artificio aut negotiatione tibi accedit, quamq; sit tibi curta suppellex: non sudducis census & sumptus, excedis modum in uestium luxu, in ciborum splendore & lauitia, breuiter in tota uitæ ratione: indulges genio, nec tibi temperas, à nullo abstines quod gula, quod Venus,

B 5

TRACTATVS

quod affectus cæteri suadent: parsimonie ac frugali-
tatis nullam habes rationem, omnia profundis, omnia
dilapidas, infideliter laboras. Hinc hinc uenit quòd
accisæ sunt res tuæ. Quum ergo nec lucri nec expen-
sarum rationem subducis, nec alterius cum altero col-
lationem facis, mirum non est quòd semper eges. Dic
iam quis in culpa sit: non quòd nemo mutuo dat, sed
quòd tu non frugi es, sed ignavius, iners, segnis, et pla-
nè inutilis: taceo quòd ingratus es his qui tibi bene-
uolunt et benefaciunt, perfidus, et fraudulentus. De
hoc Ecclesiastici uerba ex cap. 29. recensebo. Multi
non causa nequitiae non foenerati sunt, sed fraudari
gratis timuerunt. Veruntamen mutuo da proximo
tuo dum eget. Tu rursus redde proximo tuo in tempo-
re suo. Constanſ ſis uerbis, et bona fide cum illo age,
et in omni tempore inuenies quod tibi necessarium
est. Multi mutuum existimarunt tanquam inuentum,
sed poſtea præſtiterunt molestiam his qui ſe adiuue-
runt. Donec accipiant, præhensant et osculantur ma-
nus dantis, et in promiſſionibus humiliant uocem ſuā.
Tempore uero redditionis differunt, uerba indigna-
loquuntur, tempusq; causantur. Quòd ſi aliquando
potuerint reddere, aduersantur et repugnant. Vix di-
midium reddunt, et computant inuentum. Si pecu-
nia non fraudant creditorem, hostem tamen ſibi ad-
quirit, idq; gratis. Conuicia et maledicta reddet illi,

pro

pro honore et beneficio reddet illi contumeliam. Ha-
cenus uerba Ecclesiastici.

Scias ergo scripturam sacram non patronum esse
perfidiæ aut negligentiae ac socordiæ tuæ, ut quantum
tu profundas alij suppeditent, sed potius hoc damna-
re eȝ omnem opem tibi negare, 1. Thes. 3. Insuper ex-
pectādam tibi poenam à domino, nempe, inopiam, ser-
uitutem, & cæteras calamitates. Metue igitur deum,
bona fide laborato, fidem serua, rationem ini tuorum
negotiorum, cura rem familiarem, frugalitati stu-
de, abstine à luxu & delitijs: nec cogitatam quod cu-
pis, quam quo carere possis, breui futurū uideas quan-
tum rebus tuis accrescit. Agnosce beneficium, & red
de cum gratitudine. Hæc si non feceris, in foribus erit
uirga domini.

Et uos ò diuites, cogitate quidquid habetis domini
esse, uos ad tempus administratores ac procuratores.
Misericordes ergo estote & benefici in pauperes, ne
fœnore eos aut fraude prematis, ne eos spolietis. In exi-
gendas debitibus & redditibus ne sitis crudeles, sed con-
syderate qua premantur necessitate, & quod facultas
uoluntatem sæpe destituat, consyderate quibus rebus
sæpe præpediantur quo minus fidem seruare possunt.
Sunt temporum calamitates, frugum uitia, sterilitates,
&c. Cogitate multo esse quietius fundum dare & pe-
cuniam, quam laborare & sudare. Nam si labor in-

TRACTATUS

cassum fit ubi sumptus desunt, tamen sumptus etiam
frustranei erunt ubi nemo laborat aut negotiatur.

Quod iustum est facite et audite quid dominus per
Esaiam ad uos loquatur cap. 58. Nonne hoc est ma-

Nexus, ratiōaria sūt, cautions, syngraphē, quas credi tores habēt
in debito - gis iejunium quod elegi? Dissolute colligationes aut ne
xus impietatis, et fasciculos iugi uel deppressiones, di-
mitte eos qui confracti sunt liberos, et omne onus dif-
rumpe: frange esurienti panem tuum, egenos uagosq;
induc in domum tuam, cum uideris nudum opori eū,
et carnē tuam ne defpexeris. Vos iam adpello o Ma-

gistratus et apud quos potestas et rerum summa est,
estote patres populi, facite quod olim Solomon et Ne-
hemias, defendite plebem uestram, ne feratis ut sic ab
usurarijs deglubantur et opprimantur. Magistri estis
iustitiae et aequitatis, uicarij dei in terris, tollite è me-
dio illicitum fœnus, et quidquid est iniquum, contra
et us iniquos rescindite, ut redimantur curate. Estote
fideles pastores populi, ne patiamini ut terra sic gra-
uetur, et sanguis ac sudor pauperum fraude exhaus-
riatur. Agite in his quam proxime potestis ad regulā
diuinæ uoluntatis. Patres estis, quomodo ergo pati po-
testis, ut à foeneratoribus et exactoribus plebs uobis
commissa deuoretur? Rogate dominum ut oculos cor-
dis uestri illuminet, ut oculus uester purus, simplex, et
syncerus sit in omnibus. Latet enim amor suijpsius in
omni carne. Patres non sua curant, sed quæ sunt filio-
rum,

rum, ut illis summa fide prospiciant. Ingehs uobis in
in hisce rebus deuorandus labor, sed ingens consegue-
tur fructus, summa concordia, summa tranquillitas.
Non fraudabit uos deus cuius ministri estis, cuius ne-
gotium geritis. Contra iniquitatem et impietatem
pugnantibus aderit deus, egregia ac gloria uicto-
ria donabit.

In summa, ex diffidentia diuinæ bonitatis, ex phi-
lautia quæ charitatis et concordiae hostis est, quid=
quid in hisce rebus peccatur, originem habet. Hinc e=
nim avaritia et pecuniæ studium, cui comites sunt te=
tra quædam flagitia. Dominus ergo donet nobis, ut fi=
duciam in bonitatem eius inconcussam concipiamus,
deinde ut beneficia à pientissimo patre accepta per
charitatem in proximos candide et liberaliter deri=
uemus, Amen.

SEQVITVR LIBEL

L V S . D E D I S C R I M I N E

decimarum. An decimas debeamus.

De legitimo usu decimarum,
et de eiusdem abusu.

Ioanni Bullingeru fratri suo charissimo, Henrichus
Bullingerus salutem exoptat per Christum.

Quod à me petijsti, charissime frater, hic tibi